
СЎХДА ҲАРБИЙЛАРГА ЯНГИ УЙЛАР ТОПШИРИЛДИ

Бугун вилоят ҳокими Хайрулло Бозоров вилоят секторлари раҳбарлари ҳамда Шарқий ҳарбий округ қўшинлари қўмондони полковник Лутфулла Бузруков билан бирга Сўх туманининг Қизилқиёқ ва Ғазнов маҳалла фуқаролар йиғинларида жойлашган ҳарбий қисмларда қуриб битказилган янги кўп қаватли уй-жойларни фойдаланишга топширилиш маросимида иштирок этди.

Қизилқиёқ МФЙ ҳудудидаги ҳарбий қисмда “Фарғона меъмор қурилиш” МЧЖ томонидан қуриб битказилган, лойиҳа қиймати 21 миллиард сўм бўлган янги уй-жойлар 68 нафар аскар ва зобитларга тақдим этилди.

Ғазнов маҳалласида “Мирзоқурбон” МЧЖ томонидан барпо этилган, лойиҳа қиймати 5 миллиард сўмдан ортиқ бўлган янги уй-жойларда эндиликда 32 нафар ҳарбийлар оилалари истиқомат қилишади.

Яшаш учун барча қулайликларга эга бўлган бу уйларда ташкил этилган Маиший хизмат марказларида савдо дўконлари, аёллар ва эркеклар сартарошхоналари, тикувчилик цехи, замонавий ошхона мужассамлашган.

Янги уй-жойларни ўз эгаларига тақдим этиш маросимида аскар ва зобитлар, курсантларга совғалар ва китоблар ҳам тақдим этилди.

Хонадонлардаги яратиб берилган шароитлар билан танишиб, уларнинг эгалари билан суҳбатлашилгандан сўнг нуроний отахонлар дуога қўл очиб, осмонимиз мусаффолиги ва шундай шодиёна кунлар бардавом бўлиши учун эзгу ниятлар билдирдилар.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-05-30 23:30:28